



**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**

Sancti Rigoris Specimina Exhibens - Mense Decembri M DCC XLVII

Zech, Franz Xaver

Ingolstadii, 1747

Caput I. Specimen I. Sancti Rigoris. §.27. Usura Est Lucrum Ultra Sortem
Ratione Mutui Perceptum. (§.4.)

[urn:nbn:de:hbz:466:1-63759](#)



DISSERTATIO I.

Sanctum RIGOREM

Doctrinæ Pontificiæ circa Usuras exhibens.

CAPUT I.

Specimen I. Sancti Rigoris.

§. 27.

USURA EST LUCRUM ULTRA SORTEM usura definitio
RATIONE MUTUI PERCEPTUM. (§. 4.)

§. 28.

Si in ullo Doctrinæ Moralis capite necessarius est RIGORE, opus sanè eo est in materia de Usuris, cùm animi mortalium nimis proclives in lucra tempora lia, facilè sibi licere persuadeant, quod innatam cupiditatem satiat. In ipso autem Usurarum articulo, RIGORE præprimis opus est circa genuinam Usuræ notionem statuendam. Lesbiam sibi Regulam fingunt, & ad quoscunq; curvos in terram affectus flexibilem, qui definitionem Usuræ non ipsi objecto, sed perversis animi sui sensis conformant. Sapientissimè igitur Theologi à Summo Pontifice in consilium adhibiti, doctrinæ suæ præmittunt, & ipse Sanctissimus sua approbatione confirmat Usuræ notionem sacris Canonibus conformem, eo RIGORE tendam, ut in tota de Usuris disputatione nec latum unguem ab ea deflectere liceat. (§. 27.)

Diss. I.

C

§. 29.

§. 29.

ad hanc " Ad hanc Usuræ definitionem rite intelligendam & stabilendam, duo tractari oportet, I. de Mutuo, tanquam propria sede Usuræ: II. de Usuræ natura & proprietatibus.

§. 30.

SECTIO I. Mutuum est *Contractus realis*, quo res fungibilis ea lege datur; ut eadem reddatur in genere.
DE MU-
TUO.

§. 31.

Mutuum formaliter sumptum Per Mutuum objectivè sumptum intelligimus ipsam rem mutuo datam: formaliter sumptum dicit actum illum, quo res mutuò datur, & accipitur. Et in hac posteriore acceptione definitur. (§. 30.)

§. 32.

est Contractus Mutuum fit per conventionem ultro citróque habita-
realis, tam, quæ pariat per se actionem Civilem: tales conven-
tiones dicuntur in Jure *Contractus*: bene igitur Mutuum
dicitur *Contractus*.

§. 33.

Quamvis *Mutui* & *Commodati* nomina nonnunquam promiscuè usurpentur, (a) revera tamen hi duo *Contractus* multum discrepant, præsertim in hoc, quòd sicuti in *Commodato* res datur ad *usum*, ita in *Mutuo* præstetur ad *abusum*, id est, consumptionis gratia; consumere autem non possum, nisi res tradatur: inde ad mutuum requiri-
tur rei, quæ mutuò datur, traditio, ut adeò res mutua-
ta dici non possit, antequam fuerit tradita. *Contractus* autem, qui rei traditionem requirit, juxta modum lo-
quendi in Jure Romano receptum, *re iniri* dicitur, & *realis* appellatur. Unde Mutuum est *Contractus realis*.

(a) Deuteron. XV. 9. Psalm. XXXVI. 26. EZECHIEL. XVIII. 8.
LUC. XI. 5. L. 2. C. de his qui ex publ. rat. mut. pecun. accep.

§. 34.

§. 34.

Materia Mutui est *res fungibilis*. Talis dicitur, quæ quo res fungitur vice alterius rei ejusdem generis, ita ut spectato fungibilis, usu, ad quem destinatur, æquipolleat eidem speciei, seu ut Philosophi loquuntur, eidem individuo.

§. 35.

Res istæ fungibles numero, pondere, ac mensura æstimantur; & illarum pretium huic ipsi numero, ponderi ac mensura proportionale est, ita ut, si numero totidem, aut pondere vel mensura tantundem habeas, eandem planè rem habere videaris: & ex hac ipsa proportione res una fungitur vice alterius, ut tantundem reddi possit. In quibusdam enim rebus corpora ipsa jam determinatam quantitatem naturâ suâ in se habentia considerantur; & de iis vel in genere, ut de *equo*, vel in specie, ut de *Bucephalo* contrahitur. Econtra res fungibles sunt incertæ, & non determinatae quantitatis, ut *Numi*, *Æs*, *Vinum* &c. adeoque si in commercia hominum deducantur, numerando, appendendo, aut mensurando, usu hominum communi determinantur, discernuntur, & certa species fiunt. Sic numero constant *Numi*, pondere *Æs*, mensura *Vinum*: & hac ratione in *Mutuum* veniunt. Hoc igitur sensu per *Mutuum* dari dicitur *Res fungibilis*.

Res numero, pondere ac mensura constans, phrasí JCtorum dicitur *Quantitas*, cui opponuntur *Corpora*, *Res*, *Species*, *Jura*. Licet enim etiam ea, quæ mutuò dantur, corpore sint prædicta, nos tamen non tam corpus earum spectamus, quam quantitatem, id est, quanto numero dentur *Numi*, quanto pondere argentum, quanta mensura triticum. Et hinc ista valent potius quantitate, quam corpore.

§. 36.

Rerum fungibilium usus non est sine abusu, vel con-
sumptione. (a) *Mutuum* igitur, quo conceditur res fun-

C 2 gibili-

gibilis, datur ad eum usum, quo res consumitur. (b) Hac ratione uti ea justè & inimpedibiliter non potes, nisi ego, qui dedi, me abdicem jure te aliósque ab usu rei illius excludendi, tibique simul tribuam facultatem de ipsa re disponendi pro tuo arbitrio: quod nihil aliud est, quam in te transferre dominium rei. Hac de causa, quando legatur usus fructus rerum usu consumptibilium, legatur & ipsarum dominium. (c) Inde etiam *Mutuum* appellatum est, quia ita à me tibi datur, ut *ex meo tuum* fiat. (d) Cum igitur per *Mutuum* tanquam veram alienationem rei creditæ dominium in debitorem transeat, congruè in definitione *Mutui* adhibetur vox *datur*; dare enim est accipientis facere. (e) Estque hæc translatio dominii omnino necessaria, ut verum *mutuum* intelligatur. (f)

(a) Quando pecunia, aut alia res fungibilis datur tantum ad ostentationem, tunc consideratur ea tanquam corpus, non tanquam quantitas; adeoque est materia commodati, in specie restituenda.

(b) Parum interest, qualiscunque demum sit consumptio; sive vinum, quod muruo tibi dedi, tu ipse bibas; sive alteri vendas: utroque enim modo respectu tui censetur vinum consumi. Item nihil interest, sive res consumatur naturaliter, ut vinum bibendo; sive civiliter, ut Numus expendendo.

(c) §. 2. Inst. de usufr.

(d) Princ. Inst. quib. mod. re contrah. oblig. L. 2. §. 2. ff. de reb. cred. Hanc tamen Etymologiam *Mutui* scitè magis quam verè à JCTIS fieri, observat CUJACIUS observ. XI. 37. creditque *Mutuum* à *Mutatione* potius nomen habere &c.

(e) Dare alienam pecuniam, vel dare suam absque alienandi animo, *Traditio* est potius quam *Datio*.

(f) Opinio CLAUDII SALMASII, quod per *Mutuum* non fiat alienatio, jam pridem protrita est. Vid. WISSENBACH in singulari *Diatriba de Mutuo*, & in *Vindiciis illius*.

§. 37.

§. 37.

Res quæ usū consumitur, post usum amplius non ex *ut eadem* tāt; quapropter impossibile est, ut eadem numero, seu *reddatur* phrasī Juris, eadem in specie restituatur. Quando igitur *in genere,* concedo usum, quo res consumitur, re autem prorsus carere in posterum non volo; necesse est, & sufficit, ut *res eadem reddatur in genere*, aurum vice auri, vinum vice vini.

§. 38.

Non obest tamen naturæ Mutui, si re concessa non *vel etiam* utaris, & postea eandem speciem reddas. Nam quod res *in specie,* reddi debeat in genere, intelligitur secundūm propositum contrahentium: sed postquam Mutuum est contractum, etiamsi eadem species, quæ non sit deterior facta, restituatur, nihil fit contra naturam Mutui, quod per restitutionem non contrahitur, sed distrahitur. Nec potest invitus esse Creditor; nam alia res ejusdem generis & qualitatis ex causa Mutui ideo reddi debet, quia in eodem genere recipit functionem: igitur eadem etiam species reddi potest, cùm fictio non possit plus operari. quām veritas. Nec ullum daminum exinde patitur Creditor, modo res interea deterior non sit redita; quod autem mihi prodest, & alteri non nocet, facile concedendum est: nam nihil in Mutuo intenditur, quām ne beneficium sit mutuanti damnosum. (a)

(a) Vid. *MANTICA de tac. & ambig. convent. l. 8. tit. 3.*

§. 39.

Cūm res fungibles, quæ mutuò dantur, numero *; ejusdem* pondere & mensura æstimentur, (§. 35.) ideo ad implem- *quantita-* dam obligationem præstandi *eandem rem in genere, necesis-* *tis,* se est, ut reddatur tantudem, seu *eadem quantitas, quam* *mutuo*

mutuò accepisti, e. g. centum ova, una marca argenti, tres modii frumenti. Nam si Creditor totidem numero, aut tantum pondere vel mensura habeat, quantum dedit, eandem rem habere videtur. Hæc enim indoles est rerum fungibilium, ut in iis tantundem sit *idem*.

§. 40.

& qualitatis,

Etiam pretium rerum fungibilium numero, ponderi, ac mensuræ proportionale est. (§. 35.) Ut igitur eadem res restitui censeatur, debet esse quoad usum eadem æstimabilitas rei quæ redditur, ac fuisset æstimabilitas rei mutuata, si mutuata nunquam fuisset: hoc autem fieri non potest, nisi eadem res etiam sint *eiusdem qualitatis*, e. g. vinum æquè generosum, frumentum æquè bonum, Unde cùm quid mutuum dederimus, et si non carimus, ut æquè bonum nobis redderetur, non licet debitori deteriorem rem, quæ ex eodem genere sit, reddere, veluti vinum novum pro veteri. (a)

(a) L. 3. ff. de reb. cred.

§. 41.

*non atten-
to pretio
affectionis,*

Æstimabilitas rei fungibilis ex quantitate & qualitate desumitur, (§. 30. 40.) quibus servatis res eadem haberi censemur. Unde res fungibles pretium affectionis non recipiunt, nisi forte sint rarissimæ, & tantundem in eodem genere non facile reperiatur. Nam pretium affectionis ex singulari aliquo affectu imponitur rebus, pro majore vel minore voluptate ex iis percipienda: in Mutuo autem locum non invenit dispar affectus, cùm servata quantitate & qualitate, eadem res censeatur recipi, quæ data erat.

§. 42.

*nec pretio
rei acci-
dentali.*

Neque attenditur ad pretium rei accidentale; sufficit enim, vinum ejusdem quantitatis & qualitatis restituere, etiam si

etiamsi illius valor interea sit imminutus, cùm per hoc substantia vini non mutetur. Aliud est in moneta; quia hæc censetur substantialiter mutata, aucto vel imminuto valore: & hinc non debent tot aurei restitui, quot sunt dati, si interim sit auctus eorum valor; sicuti non debent tot modii frumenti restitui, si modii mensura sit interim mutata. Nempe mutuans hoc contractu non vult deteriorem reddi conditionem suam, nec vult fieri locupletior: consequenter facta restitutione nec plus nec minus habere cupit, quām ante istum contractum habuerat: & perinde esse debet, acsi mutuatum non fuisset.

§. 43.

Mutuum re initur: (§. 33.) *re autem non potest obligatio contrabi, nisi quatenus datum sit.* (a) Unde mutuans *Mutuum est gratuitum.* plus exigere non potest, quām dederit: consequenter Mutuum est contractus gratuitus & beneficus; non quidem merè *beneficus*, cui nulla adhæreat obligatio perfecta, uti donatio, ex qua non datur obligatio perfecta aliquid reddendi: sed est *actus beneficus obligatorius*, cui mutua adhæret obligatio perfecta, idem reddendi, *more commodati*. Nam in Commodo gratis conceditur res ad usum, restituenda post usum in specie: in Mutuo gratis conceditur ad abusum, restituenda post consumptionem in genere. Beneficium igitur horum contractuum in eo consistit, ut tibi relinquam liberum usum rei meæ, hoc tamen discrimine, quòd in Commodo non transferatur rei dominium, quia concedi potest usus, retento dominio: in Mutuo autem, licet etiam principaliter intendatur usus rei, quia tamen hic usus, utpote consistens in consumptione, concedi non potest sine dominio; (§. 36.) hinc etiam relinquitur dominium rei talis, cuius vice fungi potest alia ejusdem generis. Hoc igitur sensu Mutuum est contractus *gratuitus*, non tamen sine ulla obligatione.

(a) *L. 17. pr. ff. de part.*

§. 44.

§. 44.

eius periculum penes accipientem.

Periculum rei communiter est penes Dominum : cùm igitur per Mutuum transferatur dominium rei fungibilis in accipientem ; (§. 36.) bene infertur , periculum esse penes accipientem , si res mutuata aliquo casu fortuito pereat : & tali casu non obstante , ad tantundem ejusdem generis restituendum tenetur accipiens , seu Mutuatarius.

*Mutui
Substan-
tialia,*

Ex hucusque dictis intelliguntur tum substantialia , tum Naturalia contractus Mutui. *Substantialia* dicuntur , sine quibus actus esse non potest. Talia in Mutuo sunt I. Res fungibilis. II. Ejus traditio translativa dominii. III. Obligatio restituendi rem in genere. Hæc continentur in data definitione. (§. 30.)

*& Natu-
ralia*

Naturalia contractuum dicuntur , quæ tacitè intelliguntur de natura actus , quamvis nihil sit dictum. Talia in Mutuo sunt I. ut reddatur res ejusdem generis in eadem quantitate : II. in eadem bonitate. III. Ut periculum rei mutuata sit penes accipientem. IV. Ut contractus sit gratuitus. (a) Circa hæc Naturalia potest aliquid immutari vel ex conventione , vel ex vitio contrahentium , salva substantia contractus : an autem licet , an verò peccaminosè id fiat , alterius est indaginis.

(a) Quando Commentator Epistolæ Pontificiæ fol. 24. & alibi negat , *de natura* Mutui esse , ut sit gratuitum ; intelligendus est , id non esse *de substantia*. Nam per adjectum paclum usuarium inficitur quidem , non tamen corruptitur Contractus Mutui. *Naturale* autem Mutuo esse , ut usus concedatur gratuitò , negari non potest , (§. 43.) nisi ab eo , qui phrases JCris proprias vel ignorat , vel neglit. Videri potest CORASIUS lib. 3. Miscell. c. 10.

§. 47.

§. 47.

Colligendo tam Substantialia, quām Naturalia Mutui, potest istud describi, quod sit *Contractus realis, Juris Gentium, nominatus, & stricti Juris*, quo res pondere, numero vel mensura constans, adeoque fungibilis, gratuitè ea legge in alterum transfertur, ut accipientis fiat, & in eodem generere, quantitate, & qualitate reddatur.

§. 48.

Mutuum, de quo hactenus, venit nomine *Crediti*. *Mutuum dicitur Creditum,* Credendi quidem generalis appellatio est; nam cuicunque rei assentimur, alienam fidem secuti, mox recepturi quid ex hoc contractu, credere dicimur. (a) Nihilominus propriè credendi verbum ad solam Mutui causam refertur. Unde qui mutuò dat, *Creditor*; qui mutuò accipit, *Debitor* appellatur: ille etiam vocatur *Mutuans*; hic verò *Mutuatarius*.

(a) L. i. ff. de reb. cred.

§. 49.

Mutuum ab aliis Contractibus differt, I. à *Commodato*, in quo res non fungibilis absque translatione domini conceditur ad usum, post hunc restituenda in specie. (§. 34. 36. 37.) II. à *Pignore*, quo securitatis præstandæ gratiâ traditur; ubi que cum obligatione reddendi eandem rem in specie, & sine translatione dominii.

Diss. I.

D

§. 51.

§. 51.

*Venditio-
ne,
Permuta-
tione,
Donatio-
ne.*

V. Ab *Emptione-Venditione*, in qua pro re exigitur pretium pecuniarium: in *Mutuo* autem redditur res eadem, saltem in genere. VI. A *Permutatione*, ubi redditur res alterius generis, frumentum pro vino. VII. A *Donatione*, qua res ita liberaliter datur, ut nihil reddi debat.

De *Mutuo* egregiè & appositiè ad doctrinam Pontificiam disputant Professores Ingolstadienses *HUBERTUS GIPHANIUS ad Instit. tit. quib. mod. recontrah. oblig.* *FERDIN. WAIZENEGGER Disp. Jurid. de Mutuo cap. 5.* *ARNOLDUS RATH discurs. Jurid. de reb. cred.* qui duo ultimi post *LAYMANNUM* aliis accuratiùs examinarunt quæstionem priori sèculo famosissimam, quantum absque labore usuraria exigi possit ex mutuo pecuniario in casu mutati valoris monetarum.

§. 52.

*SECT. II.
DE USU-
RA. Usuræ
significa-
tio prima-*

Usura ab utendo dicta, Grammaticis cuiuscunque rei usum denotat, sive bonum, sive malum. *Usuram* *bujus lucis, usuram vitæ, usuram falsi gaudi apud CICERONEM,* (a) *usuram corporis apud PLAUTUM* (b) *legimus.* *Usu-
ra* igitur dicitur ab *usu*, sicut *fœtura à fœtu, cultura à
cultu.*

(a) *Orat. pro C. Rabir. Posth.* item *pro P. Sylla. item Tuscul. quest. lib. 1. & Epist. famil. lib. 6. ep. 13.*

(b) *Amphitr. prolog.*

§. 53.

translata:

Transfertur etiam *Usura* ad incrementum, quod pro-
venit tanquam fructus ex *usu* cuiusque rei. Unde *TUL-
LIUS* (a) *Terra nunquam sine usura reddit, quod recipit: sed
alias minore, plerumque majore cum fœnore.*

(a) *De Senectut.*

§. 54.

§. 54.

Significationem *Usuræ*, qua incrementum ex usu rei *etiam in* denotatur, (§. 53.) imitantur Leges & Canones, eorūm *Jure*, que Interpretes, appellando usuram, quidquid lucri causa principali debito accedit. Et ob hanc rationem usura dicitur etiam *Fœnus*, à Foetu, imitatione græci sermonis, quo usura nominatur *τόνος*, *partus ἀπὸ τῆς τίντω*, quod est, *pario*, scilicet quia per usuras pecunia pecuniam, veluti foetum quendam parit. Quamvis multi Doctores *Usuram* & *Fœnus* non in eadem significatione accipient, hoc tamen loco promiscuè his vocibus utemur.

§. 55.

Jus quidem Civile usuram magis in pecunia numerata constituit, & res alias, quæ jure accessionis veniunt, in vicem usurarum accipi vult: (a) Jus verò Canonicum absque ulla distinctione, per usuram intelligit, quidquid abundat supra principale debitum, sive illud in pecunia numerata, sive in alia re consistat; modò haec sit pretio estimabilis. (b)

(a) *L. II. f. 1. ff. de pignorib. L. 14. & 17. C. de Usur.*

(b) *C. 1. seqq XIV. q. 3. c. 1. 2. 10. de Usur.* R. P. CONCINA *Comment.* fol. 30. & alibi indignatur iis, qui multa ad vocem usuræ explicandam *infarciant*. Scriptores, qui diversa vocum significata vel scire, vel explicare nolunt, suspectos se redundit. In his partibus sine fuso scribimus: calumniari non intendimus: intelligi amamus.

§. 56.

Usura secundūm varias significationes non est nomen *etiam lucrum* vitii: (§. 52. 53.) imò etiam in acceptione JCtorum *tum.* (§. 54.) lucrum honestum extento nomine complectitur. Qua ratione ubi quid justè ex quocunque contractu, vel

in mutuo, intuitu lucri cessantis, seu damni emergentis accrescit sorti, usura quidem dicitur, haud tamen usuræ peccatum. (a)

(a) Verba hæc fere sunt DOMINICI SOTO de *J. & J.* lib. 61 q. 1. n. 1. sub cuius clypeo tutus sum, cum eum *beneficium ordinis à telis Concinianis immunem præstet.*

Item de usurâ largè, largissimè, propriè & strictè, vel minus propriè sumpta, multa congerit GASPAR RODERICUS tract. de ann. & mens. redit. lib. 1. q. 2. qui Auctor à Commentatore Italo ad Ingolstadienses pudore suffundendos adducitur. *Diss. V. f. 289.*

§. 57.

Usura cri-
mens Nobis hoc loco de eo potissimum usuræ significato sermo erit, quo denotatur infame illud crimen, contra quod Italiae Civitates præmunire cupit Pontifex. (§. 1. 18.) Hujus perversitatem in Divinis potissimum Scripturis, Conciliis, Sanctis Patribus, & Apostolicis Decretis detectam deprehendimus. Unde etiam Usuræ prohibitæ notionem aliam nec dare, nec admittere debemus, quam quæ ex his ipsis fontibus Scripturarum, Conciliorum, Patrum, & Apostolicorum Decretorum hauritur.

§. 58.

residet in
mutuo, Sacrae Scripturæ, Concilia, Patres, & Pontifices, ex quibus haurienda est genuina notio Usuræ prohibitæ, (§. 57.) eandem desumunt ex *Mutuo*, alicubi expressis verbis: (a) alibi juxta communem interpretationem Ecclesiæ & Theologorum, (b) quorum doctrinam confirmat BENEDICTUS XIV. (§. 4.)

(a) *Exod. XXII. 25. Concil. Turon. sub Alexand. III. ann. 1163.* can 2 qui refertur in c. 1. de Usur. S. AUGUSTIN. serm. 3. in Psalm. 36. n. 6.

(b) *S. Thom. 2. 2. q. 78. art. 1. & Theologi passim.*

§. 59.

§. 59.

In Emptione - Venditione , aliisque contractibus *saltem im-*
Usuræ crimen nonnunquam intercedit : (a) nihilominus plicito:
ejusmodi contractus , saltem quoad excessum , sunt simu-
lati , verūmque mutuum , & consequenter palliatam
usuram continent . e. g. vendo tibi rem meam exspectato
pretio , & ut exspectem , auctarium posco : contractus
hic perinde habet , acsi idem premium statim à te mihi so-
lolutum , tibi in tempus mutuassem . Igitur universim ve-
rum est , quòd Usuræ peccatum propriam suam sedem &
locum in contractu mutui habeat . (§. 4.)

(a) c. 5. de Empt. & Vend. c. 4. de Pignor. c. 10. de Usur.

§. 60.

Cùm Usuræ crimen in Mutuo sedem propriam habe- *non verò*
at ; (§. 58. 59.) hinc prohibitæ Usuræ suspicio subesse non *in aliis*
poteſt , ubicunque intercedit verus , legitimusque alias *contracti-*
contractus , diversæ prorsus naturæ à natura mutui , à *bus :*
quo omne mutuum tam apertum , quām implicitum ab-
sit . (§. 8. 9.)

§. 61.

Eo ipso , quòd in aliis legitimis & sinceris contracti- *unde usu-*
bus Usura non occurrat ; (§. 60.) lucrum usurarium essen- *ra defini-*
tialiter differt à lucro ex aliis contractibus hauriendo , per *enda in*
hoc , quòd lucrum usurarium capiatur ex Mutuo . Quia *ordine ad*
igitur essentialis differentia in definitione exprimi debet , *Mutuum.*
superest , ut Genuina Usuræ definitio fiat in ordine ad Mutuum.

§. 62.

Usura prohibita tripliciter sumi potest . I. Pro con- *Usura su-*
tractu usurario . II. Pro Voluntate usuraria . III. Pro lucro *mitur*
usurario . Per usuram , prout est contractus usurarius , *I. pro Con-*
D 3 *tractu .* *intel-*

intelligimus ipsam mutuationem cum obligatione solvendi auctarium supra id quod datum est, ratione mutui. Hoc sensu juxta Canones (a) *Usura est, ubi amplius requiritur, quam debetur.*

(a) C. 4. XIV. q. 3.

§. 63.

II. pro Voluntate usuraria.

Voluntas usuraria est, quando contrahitur mutuum sine pacto quidem, sed tamen ex intentione recipiendi augmentum præcisè ex mutuo, seu ut URBANUS III. fuit consultus, (a) quando quis non alias mutuò traditurus, eo proposito mutuam pecuniam credit, ut, licet omni conventione cessante, plus tamen sorte recipiat.

(a) C. 10. de Usur.

§. 64.

III. pro lucro usurario: & hoc sensu dicitur

Lucrum usurarium est objectum contractus aut voluntatis usurariæ, ipsum scilicet augmentum, seu res accedens ultra quantitatem mutuò datam, vel pretium quod estimatione usus forti accrescit. Hac ratione quocunque forti accedit, usura est. (a) In hoc ultimo sensu data & declaranda est Usuræ definitio. (§. 27.) Nam explicata natura hujus lucri, facile intelligitur natura Contractus usurarii, per quem imponitur obligatio præstandi illud lucrum; item natura Voluntatis usurariæ, qua intenditur istud lucrum.

(a) C. 3. XIV. q. 3.

§. 65.

Lucrum

Lucrum leges dicunt, quod omni damno deducto superest; seu quod ita accipitur, ut accipienti nihil desit. Cum igitur Usura in eo consistat, quod aliquid ultra-principale debitum, servata jam æqualitate contractus, accipiatur; (§. 54.) bene Usura simpliciter dicitur Lucrum.

Per

Per lucrum intelligitur omne illud, cuius pretium pecunia metitur, quia istud omne pro pecunia habendum est. (§. 55.) potest tamen ratione mutui aliquid acquiri & exigi, quod pretio pecuniae non penditur, ut puta, mutuatarii amicitia, ac benevolentia. Ita DOM. SOTO loc. cit. art. 2.

§. 66.

Principale debitum, quod mutuò datum est, seu *Ca-pitale*, prout in Legibus Imperii nominatur, (a) phrasí ^{tem} Juris appellatur *Sors*: (b) sic in contractu Societatis qui parem pecuniæ quantitatem intulerunt, *Consortes* dicuntur. Huic sorti accedit usura, tanquam id, quod ultra principale debitum accipitur: (§. 65.) consequenter *Usu-ra* convenientissimè dicitur *Lucrum ultra sortem*.

(a) Rec. Imp. ann. 1654. §. 174.

(b) L. 24. ff. de *usu & usufr.* L. penult. §. 1. ff. ad leg. falcid.

L. 58. §. 6. ff. ad S. C. Trebell.

§. 67.

Usura in Mutuo propriam sedem habet: (§. 58. 59.) *ratione* sed tamen etiam in Mutuo ex variis titulis licitis sorti aliquid *mutui* accedere potest, (§. 7.) quod extento Usuræ nomine apud JCtos venire solet: (§. 56.) aliud enim est petere ultra sortem aliquid *in Mutuo* ratione alterius tituli; aliud *ex vi Mutui*, scilicet pro usu rei mutuò datae. Igitur ad exprimendam differentiam lucri liciti ab illico, addendum in definitione, Usuræ prohibitæ nomine eam intelligi, quæ non ex alio titulo, sed ratione solius mutui exigitur, scilicet *Lucrum ultra sortem ratione Mutui*.

§. 68.

Lucrum non intelligitur, nisi aliquid accipiatur. *percep-* (§. 65.) Cum igitur Usura, prout est objectum contra-*ptum*, ètus usurarii, & voluntatis usurariæ, consistat in lucro, quod

quod accedit principali debito , (§. 64.) hinc Usura actu exteriori completa non datur, nisi lucrum sit perceptum. Peccatum Usuræ per contractum aut voluntatem perversam dari potest sine lucro : lucrum autem non datur, nisi actu percipiatur. Usura igitur, prout hoc loco sumitur, est *Lucrum ultra sortem ratione mutui perceptum.*

§. 69.

*ex aliqua
obligatio-
ne.*

Si quid omnino spontanè, merè gratuitò & libera-
liter detur, non datur ratione mutui ; consequenter sine
crimine Usuræ potest accipi : (§. 67.) ut igitur lucrum ul-
tra sortem constitutat Usuram illicitam , percipi debet tan-
quam præstitum non omnino spontanè, sed ex morali coa-
ctione ; non merè gratuitò, sed ex obligatione præstitum.

§. 70.

*Lucrum
sperari
potest,*

Lucrum , quod receptum usuram constituit, non
potest absque labore usuræ exigiri, vel intendi . (§. 62. 63.) Econ-
tra non est usura id sperare , quod non est usura acci-
pere : unde non est usurarium , sperare lucrum liberaliter
& ex gratitudine dandum , relictæ mutuatario plena liber-
tate ; quia istud non datur ratione mutui . (§. 69.) ut igi-
tur lucrum speratum constitutat usuram , necesse est, ut lu-
crum speretur ex debito .

§. 71.

*merè libe-
raliter
dandum:*

Si quis dicar, se exigere , intendere , vel sperare lu-
crum ratione mutui tanquam debitum ex gratitudine , lusus
vocabulorum est : licet enim ex honestate debeas mihi
beneficium , gratis tamen id præstas : & ideo obligare te,
si illud est æstimabile pecunia, injustitia est. Est quidem
gratitudo iure naturali debita, non tamen debet exhiberi
determinate in re temporali , quam pro lucro speras.

Qua-

Quacunque igitur ratione lucrum exigatur, intendatur, speretur, vel recipiatur *ut debitum*, usura est: & vicissim, ut usura sit, debet sperari, vel recipi *ut debitum*. (§. 69.)

Unde jure optimo INNOCENTIUS XI. condemnavit hanc propositionem 42. *usura non est, dum ultra sortem aliquid exigitur, tanquam ex benevolentia & gratitudine debitum, sed solum, si exigatur tanquam ex justitia debitum.*

§. 72.

Unde verba CHRISTI, *mutuum date, nihil inde spe-* Nam ne-
rantes, (a) præceptum continent, ne quis ratione mutui *que Christi-*
speret alterum obligatum, vel ad dandum lucrum ultra *stus spem*
sortem, vel ad reddenda aequalia, (b) id est, ad simile *omnem*
mutuandi officium; quæ ipsa obligatio in lucro ponere
damuat,
Si quis autem speret gratum animum ex sola libera-
litate in simili occasione demonstrandum, & ex hac spe
moveatur ad mutuò dandum, huic saltem Christus negat
singulare meritum, quæ gratia est vobis? si quis autem
etiam spem omnem deponat æquale officium recipiendi,
& ex perfecta liberalitate ad imitationem Patris cœlestis
benefaciat & mutuum det, huic demum Christus merce-
dem multam promittit, & filium fore Altissimi pronun-
tiat, quia ipse benignus est super ingratos, (c)

(a) *Luc. VI. 35.*

(b) *Ibid. 34.*

(c) Vid. clarissimum Academiæ Ingolstadiensis lumen AL-
 PHONS. SALMERON in *Evangel.* tom. 5. tract. 43. in illud:
mutuum date &c.

§. 73.

Eadem est mens URBANI III. Pontificis, (a) qui per *neque Ca-*
propositum plus forte recipiendi, & per intentionem lucri, in- *nones,*
telligit animum habendi alterum obligatum ad præstan-
dum lucrum ultra sortem: qua ratione haud dubiè com-

Diff. I.

E

mitti-

mittitur usura. Sola autem spes gratuitæ liberalitatis contractum non reddit obnoxium usurariæ pravitati. (b)

(a) C. 10. de Usur.

(b) Ita docet S. THOM. de Malo q. 13. art. 4. ad 13. his verbis : *Potest usurarius sperare munus ex mutuo quod concedit, dupliciter. Unomodo, quasi debitum ex quadam obligatione, tacita vel expressa : & sic quocunque munus speret, illicite sperat. Alio modo, potest aliquod munus sperare, non quasi debitum, sed quasi gratuitum, & absque obligatione praestandum : & sic licite potest ille, qui mutuat, sperare aliquod munus ab eo, cui mutuat.*

§. 74.

*neque Ra.
tio.*

Ratio datæ doctrinæ est, quia mutuans per hoc, quòd mutuat, non fit pejoris conditionis, quàm si non mutuasset : at si non mutuasset, licuisset sibi ex alterius benevolentia sperare donum, & potuisset oblatum recipere. (a) Licebit igitur etiam idem sperare post mutuum datum.

(a) BINSFELD. ad C. consuluit. concl. 7. de Usur.

§. 75.

*Dividitur
Usura l.
in Lucra-
toriam,
Compensa-
toriam &
Punito-
riam.*

Usura à Jure-Consultis dividi solet I. in Lucratoriam, Compensatoriam, & Punitoriæ. *Lucratoria* est, qua percipitur lucrum ratione solius Mutui. *Compensatoria*, qua exigitur aliquid supra sortem ad compensandum Creditoris damnum. *Punitoria* seu Moratoria, qua imponitur poena Mutuatario in reddenda sorte moroso. Ex usu linguae latinæ & Juris Civilis tres hæc species Usuræ convenient in generica acceptance, quòd sint accessio ad sortem, qui conceptus complectitur Usuram licitam & illicitam. Ex usu autem SS. Canonum usura in deteriorem sensum plerumque solet accipi, prout denotat Usuram illicitam, & lucrum ratione solius mutui perceptum. Cùm igitur respuere non liceat voces Juris Civilis, & Jure-Consul-

sultorum; hinc aptissimè ad evitandam confusionem adhibentur termini restringentes, ut lucrum ratione solius mutui perceptum appelletur usura *strictè dicta*: lucrum autem ex aliis titulis in mutuo obtentum vocetur Usura *minus strictè dicta*. Nihil enim frequentius in Jure, quam ut vocabula modò in strictiore, modò in latiore significacione sumantur. Exempla suppeditat Titulus de Verborum significationibus.

§. 76.

Dividitur Usura II. in *Conventionalē*, quæ ex pacto *II. in Conventionalē, & Necessariam.*
debetur; & in *Necessariam*, quæ debetur sine conventione, veluti ex mora. Necessariæ usuræ præstantur non tantum ex mutuo, sed etiam ex contractu quocunque e. g. Emptionis- Vensionis, si non solvatur pretium eo tempore, quo solvi debebat. Quoniam tamen reo debendi mora indulgeri potest; quamdiu verò eum non interpellas, mora indulgeri præsumitur: à die interpellationis mora debitoris incipit. An autem conventio vel mora possit esse justus titulus aliquid exigendi, dicetur suo loco.

§. 77.

Dividitur III. in *Realem* & *Mentalem*. *Realis* est, *III. in Reale* cùm vel apertè accessio ultra sortem in pactum dederit e. g. do tibi centum, ea lege, ut exacto anno reddas centum & quinque: vel saltem exteriùs insinuatur voluntas aliquid recipiendi supra sortem, e. g. confido, meam pecuniam non reversuram vacuam. *Mentalis* est, quando mutuum datur, & ex eo lucrum tanquam debitum intenditur, sed absque pacto quocunque exteriori. (§. 63.)

§. 78.

Dividitur IV. in *Formalem*, seu *apertam*, qua ex mutuo formalī & simplici percipitur lucrum: & in *Virtuatē*

E 2

*IV. in
apertam,
& pallia-
tam.*

lem

lem seu palliatam, quæ sub specie alterius contractus exercetur, & in eo quasi imbibitur, ut cùm carius vendis, præcisè ob dilatam solutionem.

§. 79.

*V. in Uſu-
ram ſortis* Dividitur V. in *Uſuram ſortis*, qua datur lucrum pro ſortis, pecunia accepta; & *uſuram uſuræ*, qua ex uſura non ſo-
& uſuram uſuræ luta novum conficitur principale debitum, quod iterum ſu-
ratiat uſuram.

§. 80.

*VI. in Cen-
teſimas
&c.* Dividitur VI. ratione quantitatis in centesimas, Quincunces &c. Ad intelligendos Juris terminos constituen-
dus est *As uſurarius*, constans duodecim unciis. *Uſura centeſima* est veluti *As*, cujus intuitu minorum uſurarum initur ratio ac denominatio. Igitur maximæ uſuræ ſunt *Centeſime*, quas ſanguinolentas vocat Seneca, (a) cùm ſingulis mensibus centeſima pars ſortis exigitur, ſcilicet de forte centum aureorum unus aureus, ita ut quot annis reddantur duodeni; Uſuræ enim ſingulorum mensium Calendis apud Romanos ſolvi debebant. Uſuræ *Deu-
nices* conficiunt undecim de Centeſima: *Dextantes decem*: *Dodrantes novem*: *Befſales octo*: *Septunces septem*: *Semifſes sex*: *Quincunces quinque*: *Trientes quatuor*: *Qua-
drantes tres*: *Sextantes duo*: *Unciae unum de Centeſima*. Quando ſcilicet facto computo menstruo, in ſingulos annos pro centum aureis uſurarum nomine penduntur undecim, decem &c. ita ut *unciarie uſuræ* ha-
beantur pro minimis, quando pro forte centum aureo-
rum ſingulis annis präſtatur unus.

(a) *de Benefic. l. 7. c. 10.*

*VII. in Mo-
deratam
& Mor-
dentem.*

§. 81.

Uſuram lucratoriam dividunt VII. uſurarum Patroni in *Moderatam*, quæ justos fines teneat, & licita habeatur:

tur: & in *Mordentem*, quæ intra justos fines non sistat, & hinc sit illicita, utpote charitati repugnans. Tales dicunt usuras esse, si exigas ab eo, qui usu pecuniæ vix tantum lucrari potest, quantum ad vitæ necessitatem sufficit; aut si excedunt lucrum, quod usu pecuniæ facere potest debitor. Nos autem hanc divisionem eo modo intelligimus, quo unum furtum dicimus levius, alterum gravius.

§. 82.

Hæc pro præsenti Instituto de Natura *Mutui & Usuræ Rigorem* sufficiunt. Quidquid autem ex hucusque dictis in Literis *Doctrinae* Encyclicis Summi Pontificis continetur, id omne summo rigore amplectuntur & tuentur Professores Ingolstadienses, qui vel de *Mutuo*, vel de *Usura* in libris editis tractârunt. Magnum in utramque partem præjudicium accedit Auctoribus, si genuinas, aut verò corruptas rerum, quas tractant, notiones stabilire deprehendantur. Ne igitur sinistræ suspiciones, quas Libri Conciniani de Professoribus Ingolstadiensis Academiæ facilè movere possunt, præoccupatos animos teneant; allegare lubet quorundam horum Professorum opera typis impressa, ubi eadem, quam Summus Pontifex tradit, (§. 4.) usuræ notio fusiùs stabilitur.

HENRIC. CANISIUS *tr. de Usur. c. 1. n. 5.*

GREGOR. de VALENTIA *Comment. Theol. tom. 3. d. 5. q. 21.
punct. 1. §. 1.*

ADAM. TANNERUS *Theol. Schol. tom. 3. d. 4. q. 7. n. 74.*

MICHAEL EYSELIN *Disp. Theol. de empt. vend. mutuo &c, thes.*

44. CHRISTOPH. HAUNOLDUS *de J. & J. tom. 3. tr. 9. ante n.
367.*

PAULUS LAYMANN *Theol. Moral. lib. 3. tr. 4. c. 16.*

JACOB. ILLSUNG *Theol. pract. tr. 4. disp. 2. n. 433.*

MATHIAS KAUTT *de Jurisdict. Thes. 25,*

E 3

GEORG.

GEORG. à WIDMONT *Colleg. in Pandect. p. 4. lib. 21. tit. 1.*
n. 6.

ERNRICUS PIRHING, JACOB. WIESTNER, FRANCISC.
 SCHMALZGRUEBER, VITUS PICHLER *ad lib. 5. Decretal.*
tit. 19.

ANTONIN. HEISLINGER *Resp. Moral. in caus. Just. commut.*
p. 2. cas. 6. n. 3.



CAPUT II.

Specimen II. Sancti Rigoris.

§. 83.

usura USURA OMNI JURE EST PROHIBITA
(§. 11. 18.)

§. 84.

*est probi-
bita* **D**Octrinam Pontificiam (§. 83.) de sola usura lucratoria & strictè dicta (§. 75.) intelligendam esse, extra dubium ponitur. Huic adversantur Doctores Aca- tholici plerique: rigidissimè eam tenent & propugnant Professores Ingolstadienses. Nos hic delibabimus aliquas hujus doctrinæ probationes ex Jure I. Naturali. II. Divino. III. Canonico. IV. Cæsareo-Romano. V. Germanico.

§. 85.

I. Jure

Rationes ex Jure naturali petitas contra usuram variè versant Doctores. Omnes fundantur in illa Mutui lege, ut loquitur Pontifex, (§. 6.) quæ necessariò in dati atque redditii æqualitate versatur, contra quam ille agere con- vincitur, quisquis eadem æqualitate semel posita plus aliquid à quolibet, vi mutui ipsius, cui per æquale jam satis est factum, exigere adhuc non veretur. Cùm igitur

Jus

